

| | | | |
|----------|---|---|---|
| 小島高等商業學校 | | | |
| 圖書部 | | | |
| 總 | | | 九 |
| 二 | | | 門 |
| 五 | 一 | 四 | |
| 七 | 〇 | 〇 | 三 |
| 五 | 冊 | 號 | 部 |
| 號 | | | |

8 9 40 1 2 3 4 5 6 7 8 9 50 1 2 3 4 5 6 7 8 9 60 1 2 3 4 5 6 7

臣王先謙撰集

天武天皇

唐書日本傳天智死子天武立

案據日本史天武乃天智弟此云天智子誤

宋史日本傳次天武天皇紀年代

日本史天武天皇諱天淳中原瀛真人初稱大海人皇子天智母弟也天智四年十月帝不豫令蘇我安麻呂召天皇安麻呂素善天皇密曰宜慮而言天皇頷之既而入臥內帝屬以後事辭曰臣不幸多病何能奉社稷願陛下以天下屬皇后立大友皇子為儲君臣請出家為陛下修功德帝許之天皇退入省中佛殿踞朝床剃髮帝使次田生磐賜袈裟天皇收所有兵器納之官入宮拜辭

入吉野左大臣蘇我赤兄右大臣中臣金大納言蘇我果安等送至菟道翼日至吉野謂舍人等曰我今入道修行汝曹欲修道者畱欲仕成名者歸舍人等不敢去及再命半畱半去明年五月朴井雄君來告曰臣頃至美濃朝廷敕美濃尾張兩國司差山陵役夫各執兵臣意非爲山陵必有事矣若不早圖悔無及又有人告曰近江京至倭京多置斥候命菟道守橋者遮畱舍人運私糧者天皇曰吾所以遁世者欲治病全身永終百年也事如此吾豈坐取亡耶六月遣村國男依和珥部君身毛廣往諭美濃國司先命安八磨郡湯沐令多品治發本郡兵急塞不破道天皇將赴東國或諫曰近江羣臣蓄謀已久必告天下梗塞道路今欲徒手而東臣恐事不就矣天皇從之欲召還男依等乃遣大分惠尺黃書大伴逢志摩乞驛鈴於倭畱守司高坂王因命惠尺等曰若不得鈴志摩當歸報惠尺至近江召高市大津二皇子會於伊勢已而高坂王不與鈴志摩歸白狀是日天皇發途入東國正妃鸕野皇女輿從草壁皇子忍壁皇子及朴井雄君縣犬養大伴佐伯大目大伴友國稚櫻部五百瀨書根麻呂書智德山背小林山背部小田安斗智德調淡海等二十餘人女孀十餘人從焉時事出倉卒不遑待車馬天皇步而出途獲縣犬養大伴鞍馬騎之比過津振川車馬亦追至至菟田吾城大伴馬來田黃書大伴後至屯田司舍人土師馬手餉從者過甘羅村召獵人大伴朴本大國等二十餘人又徵美濃王皆來從掠馱米馬五十四匹使步者乘至大野會日暮壞民舍籬爲炬以前夜半過隱郡燒驛家呼曰天皇入東國吏民來歸然無一人應者渡橫河有黑雲竟天廣十餘丈天皇舉燭親秉式占曰此天下兩分之祥也然我終得之乎進至伊賀郡

又焚驛家還至中山郡司等率兵數百歸之至荻菽野停駕進食
赴積殖山口高市皇子率民大火赤染德足大藏廣隅坂上國麻
呂古市黑麻呂竹田大德膽香瓦安倍自鹿深來會進經大山至
伊勢鈴鹿國司守三宅石牀介三輪子首湯沐令田中足麻呂高
田新家等來會發兵五百塞鈴鹿山道天皇進至川曲坂下夜發
既而雷雨暴寒眾皆凍疲至朝明郡迹太川上望拜天照大神大
津皇子率大分惠尺難波三綱駒田忍人山邊安麻呂小墾田豬
手渥部祇枳大分稚臣根金身漆部友背等來會村國男依亦來
報發兵三千塞不破道天皇褒之乃命高市皇子監不破軍事皇
子往居和豐遣山背部小田安斗阿加布於東海稚櫻部五百瀨
土師馬手於東山發兵是夜天皇次桑名郡宏文帝遣書藥忍坂
大麻呂等徵東國兵藥等至不破高市皇子伏兵虜之天皇入不
破尾張國司守小子部鉏鉤率眾二萬來歸天皇分遣其兵守諸
道進至野上高市皇子來迎天皇撫背褒慰因命總統軍事於是
造行宮於野上而居焉如和豐視軍大伴吹負與倭京畱守司坂
上熊毛及漢直等謀奪飛鳥寺營殺其將穗積百足擒穗積百枝
物部日向招降畱守司高坂王稚狹王遣大伴安麻呂等來報天
皇大悅就拜吹負爲將軍三輪高市麻呂賀茂蝦夷及諸豪傑相
率歸吹負七月吹負發軍赴乃樂分遣裨將守龍田大坂紀阿閉
麻呂多品治三輪子首置始菟將兵數萬自伊勢大山赴倭村國
男依書根麻呂和珥部君手膽香瓦安倍將兵數萬自不破向近
江眾皆以赤爲幟別命多品治率兵三千屯荻菽野田中足麻呂
守倉歷道近江將山部王等潰逃羽田矢國降因授斧鉞拜將軍
破坂本財於高安別將田邊小隅襲荻菽野多品治邀擊走之村

國男依等破近江軍於息長橫河斬其將境部藥又擊秦友足於
鳥籠山斬之東道將軍紀阿閉麻呂等聞吹負敗遣置始菟赴援
進屯金綱井軍復振敗壹岐韓國於葦池上別將廬井鯨亦率兵
來會上道將三輪高市麻呂等大破近江軍於箸陵斷鯨軍後鯨
潰走倭地盡定村國男依等戰於安河上獲社戶大口土師千島
又擊栗太軍克之諸將進至瀨田近江軍陳橋西拒守大分稚臣
挺身直進眾兵踵之近江軍敗績男依等進軍栗津岡下將軍羽
田八國率出雲狛攻下三尾城男依與近江軍戰於栗津市斬其
將犬養五十君谷鹽手於是近江軍潰散諸將會筱浪搜捕左右
大臣以下諸將詣不破宮奏捷八月命高市皇子科近江羣臣罪
狀右大臣中臣金處斬左大臣蘇我赤兄大納言巨勢人并其子
孫及中臣金子蘇我果安子悉配流其餘釋而不問九月天皇發
不破還桑名至倭京居息宮遷岡本宮十二月賞諸功臣是歲營
宮室於岡本宮南號飛鳥淨見原宮新羅貢調

癸酉 白鳳元年日本史春正月宴羣臣二月卽位於飛鳥淨見原

宮立正妃鸕野皇女爲皇后賜功臣爵有差三月始寫大藏經於
川原寺夏五月詔曰凡出身者先任大舍人然後選簡才能以充
職婦女欲進仕者聽之其考選准官人例閏六月耽羅朝貢秋七
月始置美濃不破關改元

甲戌 白鳳二年日本史春三月對馬始貢白金

乙亥 白鳳三年日本史春正月始起占星臺二月敕大倭河內攝
津山背播磨淡路丹波但馬近江若狹伊勢美濃尾張等國選百
姓善謳男女及侏儒伎人以貢詔除甲子歲所賜諸氏部曲及所
賜親王諸王以下羣臣諸寺山澤浦嶼林野陂池行幸高安城夏

四月召僧尼二千四百餘口設大齋詔諸國貨稅自今以後明審百姓貧富簡定三等中戶以下欲貸者許之八月耽羅入貢冬十月遣使四方求大藏經十一月地大震

丙儀鳳子元

白鳳四年日本史春正月詔凡諸國司選大山位已下任

之但畿內及陸奧長門二國司不在此限夏四月敕諸王諸臣之封戶在西國者改於東國給之又敕諸國臣連伴造國造之子及庶人有才能而欲仕進者並聽之五月按諸國司輸調殿最科罪下野飢百姓請賣子國司奏狀不聽是夏大旱五穀不登百姓飢秋八月詔諸國放生冬十月遣使諸國講金光明經仁王經

丑

白鳳五年和漢年契春正月射於南門著爲例夏六月地大

震秋八月設齋於飛鳥寺讀大藏經天皇御寺南門禮三寶豫詔親王及羣卿各賜度者一人

寅 白鳳六年日本史冬十月詔定文武官考績進階之制十一

月筑紫地大震

己調露卯元

白鳳七年日本史春二月行幸越智謁後岡本天皇陵夏

五月行幸吉野還宮秋八月詔諸氏貢女行幸泊瀨宴於迹驚淵上冬十月詔曰朕聞頃日暴惡者多在里巷或容忍不治或蔽匿不正是王卿等之過也自今以後嚴加捉搦勿有倦怠十一月始置龍田山大江山二關築羅城於蘭波

庚承隆辰元

白鳳八年日本史夏五月賜京內二十四寺純綿絲布各

有差始講金光明經於宮中及諸寺六月雨灰秋八月大水冬十一月以皇后不豫爲搦藥師寺度一百僧赦囚天皇不豫度一百僧尋愈

辛開羅巳元

白鳳九年日本史二月立草壁皇子爲皇太子攝萬機三

月天皇詔川島皇子等撰帝紀及上古事夏四月設禁式九十二條定親王至庶人服色制度敕凡諸氏有氏上未定者各定之申送於理官

壬永清白鳳十年日本史春三月幸新城詔停諸王諸臣著位冠又詔停親王以下食封悉納之官夏四月詔令男女悉結髮秋八月敕親王及羣臣各陳法式可施於時者天變數見地大動定禮儀言語之制詔曰凡應考選者審檢其族姓景迹而後考之若族姓未明者雖有行能不在考選之例以日高皇女疾赦大辟以下男女一百九十八人度僧一百四十餘人於大官大寺冬十月大

醮

癸宏通

白鳳十一年日本史夏四月詔用銅錢始召僧尼安居於宮中冬十月繼於倉梯十一月詔諸國習陣法十二月遣五位伊斐王等巡行天下定諸國疆域天皇欲建都於難波詔百寮各就擇宅地

甲中宗嗣

白鳳十二年日本史夏四月詔百寮肄進止威儀又詔曰凡政之要在軍事文武官務習武藝其兵馬器械儲蓄勿闕有馬者爲騎士無馬者爲步卒朕當以時檢閱若忤詔旨習練不精者親王以下至諸臣必罰大山以下當罰罰之當杖杖之其勤習精練者雖死罪減二等但恃己才而故犯者不在赦例秋七月行幸廣瀨冬十月詔改天下諸氏族姓定爲八等遣伊勢王等定諸國疆域京師諸國地大震山崩川溢人畜多死伊豫温泉壅土佐田圃五十餘萬頃陷爲海伊豆島西北海中自成一島長三百餘丈

乙二

西武后垂拱元

白鳳十三年日本史春正月改爵位號增加階級

西武后垂拱元

諸王以上十二階諸臣四十八階三月信濃雨灰草木皆枯夏五月行幸飛鳥寺秋七月定明位以下進位以上朝服色詔免東山道美濃以東東海道伊勢以東諸國有位者課役八月行幸淨土寺川原寺賜眾僧稻九月天皇不豫誦經於大官川原飛鳥三寺三日冬十月詔禁諸國大角小角鼓吹幡旗弩枕之類藏私家咸收入郡廩

丙三朱鳥元年日本史春正月難波宮火大酺五月天皇不豫說藥師經於川原寺安居宮中以禱焉六月遣伊勢王等於飛鳥寺禱病遣百官於川原寺然鑿供養設大齋悔過秋七月詔諸國大祓滅天下戶調之半徭役悉蠲召一百僧於宮中讀金光明經詔天下事無大小悉啟皇后及皇太子詔天下貧民逋負在乙酉年十二月三十日以前者不問公私一切蠲除建元朱鳥因名宮曰

飛鳥淨見原宮度淨行者七十人設齋於御窟院是月諸王羣臣

造觀世音像說觀世音經於大官大寺以禱天皇疾八月度八十人又度男女百人安百菩薩像於宮中讀觀世音經二百卷禱天

皇疾於神祇九月天皇崩於正殿年六十五葬大內陵又后鸕野

皇女後爲持統帝妃大田皇女大江皇女新田部皇女並天智女夫人

冰上娘藤原鎌足女五百重娘冰上娘姊大麩娘左大臣蘇我赤兄女額田姬王鏡王女

尼子娘胸方德善女穀媛娘穴人大麻呂女子十鸕野生岡宮天皇草壁大田

生大津皇子大江生長親王弓削皇子新田部生崇道盡敬皇帝

舍人五百重娘生新田部親王大麩娘生穗積親王尼子娘生高

市皇子穀媛娘生忍壁親王磯城皇子草壁娶阿閉皇女生文武元正二帝舍人生廢帝

持統天皇

唐書日本傳死子總持立

考可持統

宋史日本傳次持總天皇年代

案據日本史總持持總皆持統之誤

日本史持統天皇諱高天原廣野姬幼名鷓野讚良天智第二女也母遠智娘齊明三年為天武妃舉兵每與謀議及即位立為皇后朱鳥元年帝疾劇救天皇及皇太子同決機務九月帝崩天皇臨朝稱制冬十月大津皇子謀反發覺救捕大津及其黨三十餘人大津皇子賜死詔曰皇子大津謀反今已伏誅其被誣誤吏民皆悉赦之唯礪杵道作流於伊豆新羅沙門行心與大津謀反不忍加法徙飛驒伽藍十一月地震十二月為大行天皇設無遮大會於大官飛鳥川原小墾田豐浦坂田諸寺

丁四元年日本史八月嘗於殯宮御青飯以大行天皇御衣裁為亥三袈裟三百道直大肆藤原大島黃書大伴於飛鳥寺頒賜三百僧九月設國忌齋於京師諸寺設齋殯宮十一月為天智設法於崇

福寺永為國忌

戊五二年日本史春正月設無遮大會於藥師寺二月詔自今以後國忌日設齋夏六月詔減極刑赦輕罪免調賦之半冬十一月葬天武

己六三年日本史夏四月皇太子草壁薨六月班令二十二卷於諸司秋八月詔諸國司以今年冬造戶籍因糾捕浮浪限以九月每國點其民四分之一講習武事冬十月禁雙六

庚七四年日本史春正月天皇即位三月詔百官及畿內人有位者限六年無位者限七年考其上日定為九等其四等以上依考仕令量其功能殿最氏姓大小以授冠位定服色八等秋七月公卿百寮始著新制朝服九月朔詔諸國司凡造戶籍一依戶

令以將巡狩紀伊下詔勿收京師今年租賦行幸紀伊還宮冬十月始行元嘉麻與儀鳳麻十二月行幸藤原相宮地公卿百寮皆從

辛卯八年日本史春正月授位於親王諸臣內親王女王內命婦

元注引公事根源曰夏四月詔曰凡祖先所免奴婢既除籍者

其親族等不得更訴為奴婢六月詔曰今夏淫雨過節恐必傷稼

思念厥愆夕惕迄朝其令公卿百寮禁斷酒肉攝心悔過京畿諸

寺僧誦經五日庶有應焉自四月雨至是月不止京師及郡國四

十大水冬十月詔曰凡山陵置五戶以上諸王有功者置守冢三

戶若陵戶不足充以百姓免其徭役三年一代遣使鎮祭新益京

元注引釋日本紀曰

新益京謂藤原宮地王九 六年日本史春正月天皇觀新益京路還宮三月行幸

伊勢還宮五月大水遣使巡行郡國稟貸遭災不能自存者弛

山林池澤禁詔京畿講金光明經和漢年契始造鉛粉

癸巳長壽元 七年日本史春正月詔天下百姓著黃衣奴皂衣三月

賜大學博士上百濟食封三十戶以優儒道詔令天下勸植桑苧

梨栗蕪菁夏四月設無遮大會於內裏九月為天武設無遮大會

於內裏悉赦繫囚冬十月始講仁王經於諸國四日十二月遣陣

法博士等講武諸國是歲近江益須郡醴泉出

甲十一午延載元 八年日本史三月置鑄錢司五月分置金光明經一百

部於諸國每年正月上旬讀之以其國官物為布施

乙十二未天冊萬歲元 九年日本史三月新羅王遣其子良琳貢獻請國

政夏五月觀大隅隼人相撲

丙十三申萬歲登封元 十年日本史秋七月太政大臣高市皇子薨

丁十四 西神功元 十一年日本史二月立皇孫珂瑠爲皇太子三月設無遮大會於東宮六月天皇不豫詔讀經於京畿諸寺八月禪位於皇太子稱曰太上天皇太上天皇之號始於此大寶二年十二月崩遺詔停素服舉哀文武百官視事如常送終之儀務從儉約三年火葬於飛鳥岡附於大內山陵諡曰大倭根子天之廣野日女尊追諡曰持統天皇

文武天皇

宋史日本傳次文武天皇紀年代

日本史文武天皇諱天之眞宗豐幼名珂瑠天武孫草壁子也母

元明帝以天武十一年生持統十一年立爲皇太子

日本史秋八月天皇受禪卽位於藤原宮時年十五以今年爲元

年詔免今年田租雜徭及庸之半優恤高年賜親王以下百官物

有差令諸國每年放生以藤原宮子娘爲夫人冬十月新羅朝貢

閏月禁正月往來行拜賀之禮如有犯者依淨御原朝制決罰之

但聽拜祖先及氏上

戊十五 戊聖麻元 二年日本史二月詔諸國司等銓擬郡司勿有偏黨郡

司居任奉法勿違夏大旱祈雨京畿名山大川秋七月始制笞法

以檢覈公私奴婢又禁博戲遊手之徒

己十六 三年日本史夏四月天皇幸大安寺聚五百僧設大供養

秋七月多穢夜久菴美度感等人從朝使來貢方物度感島始通

庚十七 子久視元 四年日本史春二月重敕王臣及京畿備兵器三月詔

王臣讀習令文又撰成律條定諸國牧地六月敕淨大參刑部親

王直廣壹藤原不比等重選定律令冬十月始置製衣冠和漢年

契僧道照死始行火葬之禮

辛十八 大寶元年日本史春正月天皇御太極殿受朝儀衛嚴

整蕃客列位文物之美於是大備以民部尚書粟田真人為遣唐

執節使左大辨高橋笠間為大使右兵衛率坂合部大分為副使

二月始釋奠三月對馬島貢金建元曰大寶始依新令改官名位

號停賜位冠易以位記定服色制夏四月敕右大辨下毛野古麻

呂等始講新令使諸王百官就習之六月令道首名講僧尼令於

大安寺敕凡庶務一依新令國宰郡司貯置大稅必須如法如有

闕怠隨事科斷遣使宣告七道并頒新印樣日本國志因山海形勢分六十六國內稱

畿內外分七道國司限年遷任治所稱為國府令四畿祈雨免今年調八月律令成遣明

法博士於東海東山南海北陸山陰山陽六道講新令九日皇親

年滿者不論有官無官定祿廩之制和漢年契聖武天皇生

王十九大寶二年日本史春二月始頒新律於天下三月始頒

廣量於天下六月先是遣唐使粟田真人等會風浪留筑紫至是

乃發秋七月敕禁親王乘馬入宮門冬十月頒律令於天下詔上

白曾祖下至元孫奕世孝順者舉戶給復表旌門閭以為義家十

二月太上天皇不豫大赦天下度一百僧令四畿內講金光明經

太上天皇崩設齋四大寺日本國志始用火葬

唐書日本傳長安元年其王文武立改元曰大寶遣朝臣真人粟

田貢方物朝臣真人者猶唐尚書也冠進德冠頂有華藻四披紫

袍帛帶真人好學能屬文進止有容武后宴之麟德殿授司膳卿

還之

案日本國志云攷日本各籍稱守民部尚書粟田真人蓋粟田

是其氏朝臣乃姓嗟峨帝賜其子姓為源朝臣是也真人則其

名唐書稱朝臣真人粟田誤矣

宋史日本傳大寶三年當長安元年遣粟田真人入唐求書籍律

師道慈求經年代

又長安二年遣其朝臣真人貢方物

冊府元龜長安三年日本遣朝臣真人貢方物

案所記入唐年歲參差疑長安二年是也

癸二十大寶三年日本史秋七月以災異頻見年穀不登詔減京

畿及太宰府管內諸國調半免天下之庸又詔五位以上舉賢良

方正之士冬十一月太政官處分巡察使所上諸國郡司等有治

能者式部依令稱舉有過失者刑部依律推斷十二月葬持統

甲二十慶雲元年日本史春正月始停百官跪伏之禮夏四月鑄

諸國印五月慶雲見大赦改元六月敕諸國兵士團別分為十番

教習武藝日本國志每秋七月粟田真人等至自唐

已龍元慶雲二年日本史冬十月新羅貢調十二月詔加親王

諸臣食封有差停五位食封易以位祿十二月重制天下婦女自

非神部齋宮宮人及老嫗皆髻髮是歲諸國飢疫給醫藥賑恤之

糾諸國斗升日本國志始以親王知太政官事列在左右大臣上

丙二三年日本史春三月詔曰夫禮者天地經義人倫鎔範也道

德仁義因禮乃弘教訓正俗待禮而成比者諸司儀容多違禮節

加以男女無別集會無度又聞京城內外多有穢冕良由所司不

存檢察自今以後兩省五府遣官吏衛士嚴加捉搦隨事科決其

不可罪者錄狀以聞又詔曰軒冕之徒受代耕之祿有秩之類無

妨於農畝所以召伯憩甘棠公儀拔園葵頃者王公諸臣多占山

澤競懷貪婪有芻蕘者輒奪其器賜地不過一二畝由是冒占踰

峯跨谷私為疆界自今以後不得更然冬十月敕天下脫脛裳著

袴是歲諸國疾疫始作土牛大儺

丁景龍四年日本史春二月以諸國疫遣使大赦夏六月天皇崩

未元日本國志遺詔舉年二十五十一月火葬飛鳥岡葬檜隈安古山

哀三日凶服一日后藤原宮子娘淡海公不生聖武帝嬪紀竈門娘石川刀子

娘

元明天皇

唐書日本傳文武死子阿閉立案開一作用誤

宋史日本傳次阿閉天皇年代

日本史元明天皇小名阿閉天智第四女也母蘇我姪娘天皇適

岡宮天皇草壁生文武元正二帝慶雲三年十一月文武不豫請

天皇居皇位天皇不允四年六月文武崩天皇依遺詔攝萬機秋

七月即位於太極殿年四十七知太政官事穗積親王右大臣石

麻呂並如故詔大赦天下賜高年布粟有差復京師畿內及太

宰所部今年調諸國今年田租冬十一月葬文武詔曰為政之道

以禮為先往年詔停跪伏禮內外廳前皆不嚴肅進退無禮陳荅

失度自今以後宜嚴加糾彈革其敝俗使歸淳風

戊二和銅元年日本史春正月武藏秩父郡獻和銅宣詔改元大

赦二月詔曰朕祇奉上玄君臨宇內以菲薄之德處紫宮之尊常

以為作之者勞居之者逸遷都之事未必違議也而王公大臣咸

言往古已降至於近代測日瞻星起宮室之基卜世相土建帝皇

之邑定鼎之基永固無窮之業斯在眾議難捐詞情且切況京師

者百官之府四海所歸唯朕一人豈獨逸豫苟利於物其可違乎

昔殷王五遷受中興之號周后三定致太平之稱方今平城之地

四禽叶圖三山作鎮龜筮並從宜建都邑其營構資須隨事條奏

待秋收後令造橋道子來之義勿致勞擾制度之宜令後不加夏五月始行銀錢秋八月鑄和銅開珍錢始行銅錢

己三和銅二年日本史春正月禁私鑄銀錢三月以左大辨巨勢麻呂爲陸奧鎮東將軍民部大輔佐伯石湯爲征越後蝦夷將軍內藏頭紀諸人爲副徵遠江駿河甲斐信濃上野越前越中兵出自兩道征蝦夷始置造雜物法用司夏五月新羅來貢秋八月廢銀錢行銅錢征蝦夷將軍佐伯石湯副將軍紀諸人等凱旋行幸平城宮九月至自平城遠江駿河甲斐常陸信濃上野陸奧越前越中越後兵從役五十日以上給復一年遣使東海東山二道檢察關剗巡視風俗衰國守有政績者賜田穀衣物冬十月制畿內近江百姓不畏法律容隱浮浪及逃亡仕丁等私以驅使非獨百姓違慢法令亦是國司不加懲肅盡害公私莫過於斯宜諭所部屬加檢括詔比者遷都易邑重捨百姓雖加鎮撫未能安堵宜免

今年租調

冊府元龜景龍五年十月丁卯日本國遣使朝貢戊辰敕曰日本國遠在海外遣使來朝既涉滄波兼獻邦物其使真人莫問等宜以今月十六日於中書宴集乙酉鴻臚寺奏日本國使請謁孔子廟堂禮拜寺觀從之仍令州縣金吾相知檢校搢捉示之以整應須作市買非違禁入蕃者亦容之

案景龍止三年五蓋三之誤

庚睿宗景和銅三年日本史春二月初置守山戶禁伐木三月遷戊雲元都於平城置左右京坊以大臣石上麻呂爲畱守

辛亥和銅四年日本史春正月始置都亭驛閏六月始遣挑文師於諸國教織錦綾秋七月詔曰張設律令年月已久不能悉行良

由諸司怠慢不存恪勤遂使名充員數空廢政事若有違犯而相
隱考第者重罪之無有所原九月詔曰衛士者非常之設不虞之
備而悉皆庭弱不習武藝徒有其名不能爲益如臨大事何任機
要傳不云乎以不教民戰是謂棄之自今以後專委長官簡點勇
敢便武之人每歲代易焉敕頃聞諸國役民勞於造都奔亡相踵
雖禁不止方今宮垣未成防守不備宜權立軍營禁守兵庫因以
從四位下石上豐庭從五位下紀男人粟田必登等爲將軍冬十
月始依品位定其祿法十二月詔親王以下及豪強之家多占山
野妨民產業自今而後嚴加禁斷若有可墾闢者宜告國司聽官
處分

壬先天子元

和銅五年日本史春正月正五位上太安麻呂上古事記

夏五月詔諸國大稅三年賑貸者本爲濟百姓窮乏也今國郡司
及里長等因緣弄法善政蠹民莫斯爲甚其爲姦利者以重論之

罪在不赦詔諸司主典以上諸國朝集使等曰制法以來年月淹
久未熟律令多所愆失若有違令者據律科斷彈正每月三度巡
察諸司糾正非違若有廢闕者具狀移送式部省又國司欲奏事
宜擇幹事者充使隨問辨析不得礙滯若不盡者所由官人及使
人並準上科斷自今以後每年遣巡察使檢校國內豐儉得失使
者宜意存公平直告無隱若有經問發覺者科斷如前凡國司每
年實錄官人功過行能皆附考狀送式部省隨宜勘會九月詔曰
朕聞歲在子穀不登而天地垂祐今茲大稔伊賀國司獻黑狐殆
協上瑞古有言曰祥瑞之美無加豐年又曰王者治致太平則玄
狐見思與眾庶共此歡慶宜大赦天下所司知之太政官議奏建
國關疆武功所貴設官撫民文教所崇嚮者北道蝦狄遠憑險阻

實縱狂心屢侵邊境自官軍雷擊凶賊霧消狄部宴然皇民無擾誠望便乘時機遂置一國式樹司宰永鎮百姓奏可於是始置出

羽國

癸元宗開和銅六年日本史夏四月割丹波五郡置丹後國割備

丑元元前六郡置美作國割日向四郡置大隅國頒新格及權衡度量於天下五月制畿內七道諸國郡鄉之名務用佳字其郡內所產銀銅彩色草木鳥獸魚蟲等物具錄色目其土地沃瘠山川原野名號所由及耆老所傳舊聞異事皆載籍奏上制郡司大少領以終身為限非遷代之任而不善國司情有愛憎以非為是強使致仕奪理解卻自今以後不得更然若齡及從心氣衰神昏或罹痼疾不堪時務者請歸田養身於理合聽須得手書陳牒所司待其處

分撰釋替備胎冷山背點乳軒百五十

默即鴻臚寺為師獻大幅布為贄悉賞物質書以歸其副朝臣仲滿慕華不肯去易姓名曰朝衡歷左補闕儀王友多所該識久乃還

舊唐書日本傳開元初又遣使來朝因請儒士授經詔四門助教趙玄默就鴻臚寺教之乃遣玄默闊幅巾以為束脩之禮題云白龜元年調布人亦疑其偽所得錫賚盡市文籍泛海而還其偏使朝臣仲滿慕中國之風因留不去改姓名為朝衡仕歷左補闕儀王友衡留京師五十年好書籍放還鄉逗留不去

宋史日本傳開元初遣使來朝

甲二和銅七年日本史春正月益二品長親王舍人親王新田部新王三品施基親王封各二百戶從三位長屋王一百戶全給食

封田租自此始二月詔撰國史遣使七道錄囚夏六月立皇孫爲皇太子加元服和漢年契定布二丈六尺爲端

乙卯三和銅八年日本史春正月天皇御太極殿夏五月敕諸國朝集使天下百姓多背本貫流寓他鄉規避課役其淹畱踰三月者卽土斷輸調庸從當國法又撫導百姓勸課農桑心存字育能救飢寒國郡之善政也身在公廷心顧私門妨奪農業侵牟萬民國家之大蠹也其催勸產業資產豐足者爲上等雖加催勸衣食乏匱者爲中等田疇荒廢百姓飢寒因致死亡者爲下等十人以上須解見任又四民之徒各有其業今失職流亡是由國郡司教導無方也有如此類必加顯戮自今而後遣巡察使於天下觀省風俗宜勤敦德政庶彼周行其諸國百姓往來過所宜用本國印秋九月詔乾道統天文明於是馭寓大寶曰立宸極所以居尊昔者君臨天下撫育黎元蒙上天之保佑賴祖宗之遺慶海內晏靜區夏安寧然而兢兢之志夙夜不忘翼翼之情日慎一日憂勞庶政九載於茲今精華漸衰耄期將至深求閒逸高蹈風雲釋累遺塵將同脫屣欲以神器讓皇太子而年齡幼稚未離深宮庶務多端一日萬機一品冰高內親王早叶祥符夙彰德音天縱寬仁沈靜婉孌華夏載佇謳訟知歸今傳皇帝位於內親王公卿百寮宜悉祇奉以稱朕意焉是日傳位於冰高內親王養老五年十二月崩於中安殿年六十一葬椎山陵諡曰日本根子天津御代豐國成姬天皇追諡曰元明天皇

元正天皇

宋史日本傳次皈依天皇

紀年代

案唐書脫此一代據日本諸史元正亦無皈依之諡蓋僧眾稱之

日本史元正天皇諱冰高一名新家文武帝姊也爲內親王位二品食封一千戶和銅八年進敘一品九月卽位於太極殿時年三十六左大臣石上麻呂右大臣藤原不比等並如故以獲白龜改和銅八年爲靈龜元年大赦天下

丙四日本史靈龜二年夏四月割河內大烏和泉日根三郡置和泉監秋八月以從四位下多治比縣守爲遣唐押使從五位上阿倍安麻呂爲大使正六位下藤原馬養爲副使九月以從五位下大伴山守代安麻呂爲遣唐大使冬十月申禁內外諸司薄紗朝服六位已下羅幘頭

丁五養老元年日本史夏四月太政官奏定調庸丁兩長短法詔禁遺僧徒濫惡五月詔曰率土百姓淨潔四方規避課役遂任王臣或望資人或求得度王臣不經本屬私自驅使屬請國郡遂成其志因茲流寓天下不還鄉里若有斯輩輒私容止者揆狀科罪並如律令頒大計帳四季帳六年見丁帳青苗簿輸租帳等式於七道冬十月詔曰朕以今年九月至美濃國不破行宮觀當耆郡多度山美泉親盥手面皮膚如滑洗澡疾痛莫不除愈又就而飲浴之者或白髮反黑或昏目加明白餘痼疾咸皆平愈嘗聞後漢光武時醴泉出飲者病愈符瑞書曰醴泉者美泉也可以養老蓋水之精也寔惟美泉卽合大瑞朕雖庸虛何違天貺可大赦天下改靈龜三年爲養老元年詔定絹繩長短闊狹之法

冊府元龜開元五年日本國遣使朝貢命通事舍人就鴻臚宣慰

戊六

養老二年日本史夏五月割越前四郡置能登國割上總四

午

考四元正

郡置安房國割陸奧十一郡以六郡置石城國五郡置石背國冬十一月始差畿內兵守衛宮城十二月詔曰朕君臨天下四年於茲上則昊穹下字黎庶庸愚之民自挂疏網有司之法實於常憲每念於此朕甚愍焉思欲廣開至道遐扇淳風爲惡之徒感深仁以遷善有犯之輩遵令軌以靡風但古來大赦八虐不霑朕恭思爲太上天皇降非常之澤可大赦天下養老二年十二月七日子時以前大辟以下罪無輕重繫囚見徒私鑄錢及盜賊八虐常赦所不原咸赦除之其廢疾不能自存者量加賑恤兼給湯藥布告天下知朕意焉多治比縣守等至白唐

紀七 養老三年日本史春二月初令天下百姓右襟職事主典已上執笏六月使皇太子聽朝政秋七月始置按察使巡省諸國閏

七月新羅貢調十二月始定婦女衣服制

申 養老四年日本史春二月遣渡島津輕津司等於靺鞨國觀

其風俗二月隼人反三月以中納言大伴旅人爲征隼人持節大將軍授刀助笠御室民部少輔巨勢真人爲副將軍夏五月一品舍人親王上日本紀九月蝦夷反以播磨按察使丹治比縣守爲持節征夷將軍左京亮下毛野石代爲副將軍從五位上阿倍駿河爲持節鎮狄將軍以討蝦夷是月始修放生會冬十月始置養民造器二司

辛九 養老五年日本史春正月地震詔文武庶僚若遇災異極言得失又詔文人武士國家所重醫卜方術古今斯崇宜擢學業優重堪爲師範者特加賞賜勸勵後生因賜諸道博士醫術伎工等物有差二月地震大藏省倉鳴日暈如白虹南北有珥詔曰朕德菲薄導民不明夙興以求夜寐以思躬居紫宮心在黔首無委卿

等何化天下國家之事有益萬機必可奏聞如有不納重爲極諫
汝無面從退有後言又詔曰諺云歲在申年每有事故去歲庚申
咎徵屢見水旱並臻平民流沒秋稼不登國家騷然萬姓苦勞加
以朝廷儀表藤原大臣奄然薨逝朕心哀慟況復災異之餘延及
今歲風雲氣色有違於常朕心恐懼日夜不休聞之舊典王者政
令不便事天地譴責以示咎徵或有不善則致之異今羣臣位高
任大豈可不盡忠誠其有政令不便直言盡意無有隱諱朕將親
覽於是公卿各仰屬司上意見三月敕左右兩京及畿內五國免
今年調七道諸國停今年役九日詔定親王以下至庶人畜馬之
限夏四月征夷將軍多治比縣守等還京令天下諸國舉力田太
政官奏請以按察使準正五位官賜祿及公廩田仕丁詔曰朕之
設此民之父母獨在按察寄重務繁與羣臣異宜加祿一倍更以
當土物海虞給之又陸奧筑紫邊塞之民數遇煙塵疲勞戎役加
以父子死亡室家離散言念於此深以矜懷宜勿出今年調庸諸
國兵眾殺獲逆賊戰鬥有功者給復二年冒犯矢石致戰死者父
子並復一年如無子者鄉里議其親族亦聽復之割信濃置諏方
國秋七月征隼人副將軍笠御室等還京冬十二月太上天皇崩
遣使固守三關葬元明新羅貢調

王十 養老六年日本史自五月至八月不雨詔免天下諸國田租
冬十一月始置女醫博士詔曰朕精誠弗感穆卜罔從降禍彼蒼
閔凶遘及太上天皇奄有普天誠冀北辰合度永庇生靈南山協
期常承定省何圖一旦厭宰萬方白雲在馭玄猷遂遠瞻奉寶鏡
痛酷之情纏懷敬事衣冠終身之憂永結然允陰不駐倏及忌期
汎愛之恩欲報無由不仰眞風何助冥路其謄寫佛經若干召僧

尼二千六百餘人以十二月七日設齋於京師畿內諸寺十二月
敕造佛像薦天武帝持統帝冥福

癸十養老七年日本史春二月遣僧滿誓於筑紫造觀世音寺秋
八月新羅來貢冬十月詔曰頃左京人所獻白龜下所司勘檢圖
牒奏稱孝經援神契曰天子孝則天龍降地龜出熊氏瑞應圖曰
王者不偏不黨尊用耆老不失故舊德澤流洽則靈龜出是知天
地靈貺國家大瑞以朕不德致此顯貺宜與親王公卿大夫百僚
同慶斯瑞因賜物有差曲赦出龜郡免今年租調

甲二十養老八年日本史春二月禪位於皇太子天平二十年四月
崩於寢殿年六十九諡曰日本根子高瑞淨足姬天皇火葬於佐
保山陵天平勝寶二年改葬於柰保山陵追諡曰元正天皇

聖武天皇

唐書日本傳死子聖武立改元曰白龜

案聖武改元神龜非白龜元正以獲白龜改元靈龜唐書瀕二
為一致脫元正一代聖武乃文武子非元明子也

宋史日本傳次聖武天皇寶龜二年遣僧正元昉入朝當開元四

年年代

日本史聖武天皇諱美麻斯文武子也母夫人藤原氏右大臣不
比等之女鎌足之孫女以大寶元年生帝元明和銅七年立為皇
太子以其尚幼禪位於元正養老八年二月受禪即位時年三十
一以獲瑞龜改養老八年為神龜元年大赦天下春三月尊夫人
藤原氏曰皇太夫人蝦夷反夏四月以式部卿藤原宇合為持節
大將軍宮內大輔高橋安麻呂為副將軍征蝦夷冬十月太政官
奏上古瀄樸冬穴夏巢後世聖人代以宮室又有京師帝王為居

萬國所朝自非壯麗何以表德板屋草舍中古遺制難營易破空
殫民財請命有司令五位以上及庶人力堪營辦者以瓦葺屋塗
爲丹堊奏可征夷持節大使藤原宇合等還京

乙丑神龜二年日本史秋七月詔七道諸國曰除災祈祥必憑幽
冥敬神尊佛清淨爲先今聞諸國神祇社內多有穢臭及放雜畜
敬神之禮豈可如是其國司長官自執幣帛慎致灑掃常爲歲事
又諸寺院勤加埽淨令僧尼讀金光明經或最勝王經以禱國家
平安九月詔曰朕聞古先哲王君臨寰宇順兩儀以享壽協四序
而財成陰陽和而風雨節災害除而休徵臻故能騰茂飛英鬱爲
稱首朕以寡薄嗣膺景圖戰戰兢兢夕惕若厲懼一物之失所瞻
懷生之便安教令不明至誠無感天示變異地頻動震仰惟災眚
貴深王子昔殷宗脩德消維維之天味景行二月災感之異遙鑑
前軼靈忌苛畏官令所司度三千人出家入道左在京及大倭諸
寺轉經七日憑此冥福冀除災異冬十二月詔曰死者不可復生
刑者不可復屬此先典之所重豈無恤刑之制今京師及天下諸
國見禁囚徒死罪宜從流流罪宜從徒徒以下並依刑部奏

丙寅神龜二年日本史夏六月新羅貢調八月造佛像寫經設齋
藥師寺以禱太上天皇病九月敕朝野文人上詩賦

丁卯神龜四年

戊辰神龜五年日本史春正月渤海郡王大武藝遣使獻方物渤
海始通夏四月敕曰如聞諸國郡司等部下有騎射相撲及膂力
者輒給王公卿相之家有詔搜索無人可進自今而後不得更然
若有違者嚴加黜罰國郡宜先事簡點待敕到即時貢進秋八月
詔禁天下養鷹始置內匠寮中衛府十二月頒金光明經六十四

帙於諸國國別轉讀以祈國家平安是歲始試進士日本國志始置畿內總管諸道鎮撫使

己未天平元年日本史春正月敕孟春之月萬物和悅宜給京畿官人以下酒食價直醮一日詔五位以上高年不堪朝者遣使就家慰問賜物二月左大臣長屋王謀反發覺賜死夏四月敕文武百官天下百姓有學異端修妖術厭魅呪詛以爲民害者首斬從流如有停住山林佯說佛法封印書符合藥造毒萬方作怪違犯敕禁者亦同其罪六月講仁王經於朝堂及畿內七道左京職獻龜背有文曰天王貴平知百年八月以獲瑞龜改元天平大赦天下立夫人藤原光明子爲皇后十一月置京畿班田司

庚申天平二年日本史春三月太政官奏太學生徒既經歲月習業庸淺猶難博達實是家道困窮無物資給雖有好學不能遂志望請選性諳書藝優長者十人以上五人以下專精學問以加善誘仍給夏冬服并食料又陰陽醫術及七曜頒麻等類國家要道不得廢闕但見諸博士年齒衰老若不教授恐致絕業請令吉田宜大津首等各教弟子以習其業給衣食準太學生又諸蕃異域風俗不同若無譯語難以通事令粟田馬養播磨乙安等各教弟子習漢語並許之夏四月詔改天下婦女衣服施用新樣始置皇后宮職施藥院九月詔曰京及諸國多有盜賊劫掠人家侵奪海船蠹害百姓莫甚於此所在官司嚴加捉搦安藝周防國人等妄說禍福多聚徒眾妖祠死魄有所祈請京左山原有聚徒者妖言惑眾多則萬人少亦數千深違憲法爲害尤甚自今以後勿使更然又造法捕獸先朝所禁擅發兵馬當今不聽而諸國造法發兵殺害猪鹿非直害生實違章程宜頒諸道並須禁斷

辛未九天平三年日本史春正月以神祇官奏庭火御竈四時祭祀立爲永制三月廢諏方國併信濃國

壬申十天平四年日本史春正月天皇始冕服受朝夏五月新羅朝貢冬十月始置造客館司

癸酉二十天平五年日本史秋七月始令大膳備孟蘭盆供著爲恆典八月天皇臨朝始聽庶政是歲諸國飢疫詔救恤之

冊府元龜開元二十一年八月日本國朝賀使真人廣成與倭從五百九十舟行遇風飄至蘇州刺史錢惟正以聞詔通事舍人韋景先往蘇州宣慰焉

甲戌二十天平六年日本史夏四月地大震山崩川壅民多死秋七月觀相撲戲御南苑命文人賦七夕詩九月地大震冬十月曲赦

京師死罪

冊府元龜開元二十二年四月日本國遣使來朝獻美濃絁二百匹水織絁二百匹

乙亥三十天平七年日本史春二月新羅來朝以新羅私改國號責卻其使三月多治比廣成等還自唐是歲自夏至冬天下患痘瘡天死者多

冊府元龜開元二十三年三月日本國遣使貢方物

丙子二十和漢年契天平八年葛城王始賜橘姓改名諸兄

丁丑五十天平元年日本史春二月遣新羅使還奏新羅失常禮不受使命詔每國造佛像三軀寫大般若經一部秋八月命天下僧尼每月讀最勝王經齋日禁殺生詔曰自春以來災氣劇發朝野貴賤死亡實多良由朕之不德致此災殃仰天慚惶不敢寧處宜優復百姓使得存濟其免天下今年租賦公私逋負諸國神祇能

興風致雨未預幣帛者咸入供幣之例十二月改大倭國為大養
德國是歲自春至秋疫瘡大發始自筑紫遂徧天下人多死亡

戊二十 天平十年日本史春正月立阿倍內親王為皇太子八月

令天下諸國上國郡圖冬十月遣巡察使於七道採訪政績民風

己二十 天平十一年日本史夏五月詔曰諸國郡司徒多員數無

益任用侵漁百姓為蠹實深減省舊員改定其數詔免諸國今年

出舉正稅之利秋七月詔使天下諸寺轉讀五穀成熟經悔過七

日夜祈風雨調和年穀成熟冬十二月渤海遣使獻方物

庚二十 天平十二年日本史夏六月令天下每國寫法華經十部

造七重塔秋八月省和泉監并河內國九月太宰少貳藤原廣嗣

反日本國志帝醉心佛法建七層堂置國分寺任僧元昉靈惑太

反后及皇后醜行無忌又令元昉圖姦藤原廣嗣妻廣嗣憤甚遂

之以從四位上大野東人為大將軍從五位上紀麻呂為副討

略山背相樂郡恭仁鄉車駕至相樂郡玉井頓宮幸恭仁宮始作

京都太上天皇皇后繼至

辛二十 天平十三年日本史春正月御恭仁宮受朝宮垣未成繞

以帷帳三月詔天下每國置金光明四天王護國之寺法華滅罪

之寺九月以遷都免左右京百姓調租四畿內田租敕大赦天下

免供奉行宮諸郡今年調遣木工頭智努王民部卿藤原仲麻呂

等頒給京都百姓宅地賀世山西路以東為左京以西為右京十

一月敕名新京曰大養德恭仁大宮十二月併安房於上總能登

於越中

壬天寶 天平十四年日本史春正月以大極殿未成權造四阿殿

受朝賀五日廢太宰府付官物於筑前國司陸奧雨赤雪二月新

羅使來朝六月京師雨飯八月令京畿七道諸國司等錄上孝子
順孫義夫節婦力田人名敕造宮卿智努王等造離宮於近江紫
香樂

癸二 天平十五年日本史春正月太宰府始供腹赤魚二月并佐
未 渡於越後夏四月新羅使來責其失禮卻之冬十月詔造金銅盧
舍那佛大像十二月始置筑紫鎮西府以從四位下石川加美爲
將軍外從五位下大伴百世爲副先是毀平城太極殿遷於恭仁
宮四年功竣所費巨多至是更造紫香樂宮停營恭仁宮

甲三 天平十六年日本史春閏正月詔召百官於朝堂議恭仁難
波二京便利二月詔恭仁京百姓欲遷難波者聽之敕定難波宮
爲皇都夏四月廢造兵鍛冶二司九月遣巡察使於畿內七道頒
三十二條於巡察使因敕曰願聞國郡官人奉法體恤
公民歲弊私門日增朕之股肱豈合如此自今奉法體恤
四考終必加訪察奏聞卽隨善惡黜陟其人遂令涇渭殊流賢愚
得所若有巡察使詔曲爲心升降失禮當據法律以明勸沮無偏
無黨清風肅俗拔自常班處以榮秩宜告所司知朕意焉

乙四 天平十七年日本史夏四月地震三日不止美濃尤甚六月
復置太宰府九月禁天下屠殺三年十一月配僧玄昉於筑紫尋
死

丙五 天平十八年

丁六 天平十九年日本史春三月大養德國復爲大倭國京師大
早詔免今年租

戊七 天平二十年日本史夏四月太上天皇崩葬元正秋七月寫
法華經一千部薦元正帝冥福八月改定釋奠儀式器服

己入天平勝寶元年日本史春二月以屢有匿名書下詔教誠百

官及太學生徒夏四月改元秋七月禪位於皇太子天皇篤崇佛

法敬信僧行基等自稱三寶奴又稱沙彌勝滿日本國志天皇為僧始此天平

勝寶六年四月幸東大寺登壇從唐僧鑑真受菩薩戒皇后及孝

謙帝並受戒焉八年五月崩於寢殿年五十六葬佐保山陵葬儀

用師子座香天子座金輪幢大小寶幢香幢花綬蓋繖等一如奉

佛令笛人奏行道之曲天皇出家歸佛故不奉諡至天平寶字二

年追尊曰勝寶感神聖武皇帝諡天璽國押開豐櫻彥尊後稱聖

武天皇又后藤原氏諱光明子淡海公不比等第三女天平初僧

道場后甚寵異頗有醜聲夫人縣犬養廣刀白讚岐守唐女藤原氏左大臣武安置內

氏中衛大將房前女廣岡古那可智正四位上橘佐為女子二藤原后生皇太子某

二歲薨縣犬養廣刀自生安積親王年十七薨后又生孝謙帝

日本源流考卷四 終

考四聖武